

**Bendera Larian Sempena Ulang Tahun Ke-66 UMNO Tiba Di Kedah
Bernama
02 Mei, 2012**

JITRA, 2 Mei (Bernama) -- Larian sempena sambutan ulang tahun ke-66 Umno yang bermula Selasa di Perlis tiba di Kedah pada Rabu.

Peserta larian dari Perlis menyerahkan bendera Umno kepada Ketua Umno Bahagian Jerlun, Datuk Abu Hassan Shariff di sempadan Kedah dan Perlis di Sanglang pagi Rabu.

Bendera itu kemudiannya dibawa ke kawasan Umno Kubang Pasu sebelum diserahkan kepada Naib Ketua Umno Kubang Pasu, Zulfitri Yaacob di Koding.

Berpuluh peserta mengiringi Zulfitri berlari dari Koding ke Jitra dan ke Kepala Batas secara bergilir-gilir sebelum bendera diserahkan kepada Ketua Umno bahagian Pokok Sena, Datuk Ahmad Lebai Sudin di atas jambatan di Kepala Batas pada tengah hari.

Ahmad kemudiannya disertai hampir 100 pelari termasuk Ketua Pemuda Umno Pokok Sena merangkap Naib Ketua Pemuda UMNO Kedah, Harris Che Mat berlari melalui Jalan Hutan Kampung ke Jalan Langgar dan Jalan Sultanah sejauh 20 kilometer.

-- BERNAMA

---BERNAMA

Hak Cipta Terpelihara © 2012 BERNAMA

Source: <http://www.bernama.com/bernama/v6/bm/newsindex.php?id=663176>